

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 10. August 2022

Här President,

esou wéi d'Chamberreglement et virgesäit, bieden ech lech, dës parlamentaresch Fro un den Här Bausseminister an den Här Arméiminister weiderzeleeden.

Viru Kuerzem huet Amnesty International an engem Bericht, dee weltwäit héich Welle geschloen huet, der Ukrain Verstéiss géint dat internationaalt Krichsrecht (ius in bello) virgeworf. Déi ukrainesch Arméi soll Zivilisten a Gefor bruecht hunn, well si a Wunnebidder Stützpunkter opgeriicht hätt. Och a Schoulen a Klinikke solle sech ukrainesch Zaldote verschanzt hunn. Aner Berichter schwätzen dervun, dass just e Brochdeel vun de Waffen, déi vun de westleche Länner un d'Ukrain geliwwert ginn, hiert Zil erreechen. Déi US-amerikanesch Kontrollinstanz fir den Export vu Waffematerial huet festgestallt, dass et praktesch net méiglech ass, déi un d'Ukrain geliwwert Waffen nozeverfollegen, an d'EU huet zouginn, dass iwwer d'Republik Moldau héchstwahrscheinlech ee grouss ugeluechte Waffeschmuggel aus der Ukrain koordinéiert gëtt. Et gëtt gefaart, dass ee groussen Deel vun de westleche Waffen um Schwarzmaart verkaaft ginn an doduerch an d'Hänn vu kriminellen oder terroristesche Vereenunge fale kéinten. Och Liewensmëttel a Schutzausrüstung sollen um Schwarzmaart fir deier Geld ugebuede ginn.

An deem Kontext hunn ech folgend Froen un d'Häre Minister:

- 1) Wéi steet d'Regierung zum uewe genannte Rapport vun Amnesty International? Wëll d'Regierung op dëse Bericht öffentlech reagéieren? Geet d'Regierung dervun aus, dass et opportun ass Waffen un eng Arméi ze liwweren, déi géint déi Genfer Konventiounen verstéisst?
- 2) Kann d'Regierung präziséieren, ob Lëtzebuerg och da weiderhi Waffen a Munitioun un d'Ukrain liwwere wäert, wa sech confirméiere sollt, dass ee signifikanten Deel vun dëse Waffen an déi falsch Hänn geréit?

Mat déiwem Respekt,



Fernand Kartheiser, Deputéierten